

B.t. heilbrigðisráðuneytisins

15. febrúar 2022

Efni: umsögn um drög að frumvarp til sóttvarnalaga

Heilbrigðisráðuneytið birti þann 1. febrúar 2022 drög að frumvarpi að nýjum sóttvarnalögum um á samráðsgátt stjórnvalda og óskaði eftir umsögnum.

Vistor gerir eftirfarandi athugasemd við drög að frumvarpinu:

38. gr. – öryggisbirgðahald.

Í 38. gr. frumvarpsins kemur fram að sóttvarnalæknir skuli hafa umsjón með afhendingu, dreifingu og notkun öryggisbirgða lyfja og lækningatækja og annars nauðsynlegs búnaðar í landinu til að bregðast við heilbrigðisógnum. Þá kemur jafnframt fram að sóttvarnalækni sé heimilt að fela öðrum, svo sem heilbrigðisstofnun, verkefni sem falla undir ákvæði þetta, svo sem innkaup og birgðahald. Í 2. mgr. frumvarpsins er ráðherra veitt heimild til að útfæra nánar framkvæmd ákvæðisins í reglugerð, svo sem um þau lyf, lækningatæki og annan búnað sem skylt er að viðhalda sem öryggisbirgðir.


Í greinargerð sem fylgir frumvarpinu er tekið fram að ákvæðið sé lögfesting á reglugerðarheimild í reglugerð 817/2012 um sóttvarnaráðstafanir. Í 7. gr. reglugerðarinnar kemur fram að sóttvarnalæknir skulu hafa umsjón með afhendingu, dreifingu og notkun öryggisbirgða lyfja, sem kveðið er á um í I. viðauka í fylgiskjali 1 við reglugerða og annars nauðsynlegs búnaðar í landinu til að bregðast við heilbrigðisógnum á borð við farsóttir eða aðra vá. Í fylgiskjali I er svo tilteknar 9 lyfjaflokkar fyrir mannalyf og 5 fyrir dýralyf af öryggislyfjum sem eiga að vera til í landinu. Undir hverjum lyfjaflokk er tæmandi talinn listi yfir þau lyf sem undir þau falla.

Ljóst er að 38. gr. frumvarpsins er víðtækara ákvæði en 7. gr. reglugerðar 817/2012 um sóttvarnaráðstafanir og margt er óljóst um framkvæmd þess. Vistor óskar eftir að tilgangur og framkvæmd ákvæðisins sé nánar útskýrt í greinargerð sem fylgja á frumvarpi.


Niðurlag

Vistor áskilur sér rétt til að koma frekari athugasemdum að um frumvarpið á síðari stigum.

Virðingarfyllst,



Þórður Arnar Þórðarson, framkvæmdastjóri Vistor



Kristín Lára Helgadóttir, lögfræðingur Veritas